





釋摩訶衍論卷第二

共上

純如



釋摩訶衍論卷第二

龍樹菩薩造

初日

已說立義分次說解釋分解釋分中法門名
字其數幾有其相云何頌曰

唯有四種法餘二十九門略不解釋故九論已說故
論曰解釋分中唯釋四法所餘法門略不別



釋云何爲四一者一體摩訶衍二者三自摩
訶衍三者真如門四者生滅門何故餘法略
不解釋一心遍滿等九論中已解釋故所謂
一心遍滿論中唯釋四法所餘法門略不別
釋云何爲四一者一體一心摩訶衍二者三
自一心摩訶衍三者一體一心門四者三自

論二

一心門融俗歸真論中唯釋四法所餘法門
略不別釋云何爲四一者無量無邊諸法差
別不增不減體大摩訶衍二者寂靜無雜一
味平等不增不減體大摩訶衍三者諸法差
別不增不減體大門四者一味平等不增不
減體大門法界中藏論中唯釋四法所餘法

門略不別釋云何爲四一者如來藏功德相
大摩訶衍二者具足性功德相大摩訶衍三
者如來藏功德相大門四者具足性功德相
大門祕蜜微妙論中唯釋四法所餘法門略
不別釋云何爲四一者能生一切世間因果
用大摩訶衍二者能生一切出世間善因果

用大摩訶衍三者世間因果用大門四者出
世間善因果用大門衆命合一論中唯釋四
法所餘法門略不別釋云何爲四一者無量
無邊諸法差別不增不減摩訶衍二者寂靜
無雜一味平等不增不減摩訶衍三者諸法
差別不增不減門四者一味平等不增不減

門真如三昧論中唯釋四法所餘法門略不
別釋云何爲四一者如來藏功德摩訶衍二
者具足性功德摩訶衍三者如來藏功德門
四者具足性功德門心性清淨論中唯釋四
法所餘法門略不別釋云何爲四一者能生
一切世間因果摩訶衍二者能生一切出世

間善因果摩訶衍三者世間因果門四者出
世間善因果門不動本原甚深玄理二種論
中唯釋一法所餘法門略不別釋云何一法
所謂不二摩訶衍法廣說略說各差別故何
故諸論建立門中備標本數散說門中各闕
其數爲欲顯示法體不分義門得別故後次

為欲令使學者增長思惟力故後次為欲令
使開示教理甚深極玄出生尊重讚歎心故
後次為欲顯示法門廣大如虛空界義理無
窮如澄神海言說不能具談思惟不知其量
故

二日 已說本數次當別釋

本曰解釋有三種云何為三一者顯示正義
二者對治邪執三者分別發趣道相
論曰如是三門解釋四法大門數量

本曰顯示正義者依一心法有二種門云何
為三一者心真如門二者心生滅門是二種
門皆各總攝一切法此義云何以是二門不

相離故

論曰則是略說分此中有三門云何爲三一
者建立四種法相門二者法門該攝圓滿門
三者發起問答顯因門依一心法有二種門
云何爲二一者心真如門二者心生滅門者
則是建立四種法相門二法二門名字差別

其數幾有其相云何頌曰

各有十種名契經異說故而無有別體隨能立名故
論曰二法二門各有十名諸契經中別別說
故而其法體無有差別隨彼功能立其名故
二種本法十名云何頌曰

毗摩訶健那摩訶鳩尸帝摩尸陀那羅摩迦羅俱舍

必薩伊呂羅婆伽婆俱舍必達摩邊那或名摩訶衍
婆伽又羅婆必阿素摩利如是十種名通三種本法
論曰二種本法各有十名名通義別云何爲
十一者名爲廣大神王此中有二云何爲二
一者鳩那耶神王二者遮毗佉羅神王第一
神王住金剛山一向出生吉祥神衆第二神

王住大海中遍通出生一切種種吉祥神衆
過患神衆二種本法廣大神王亦復如是一
體本法一向出生真如淨法三自本法遍通
出生一切種種淨白品法染污品法故自體
契經中作如是說文殊師利前白佛言世尊
甚深極妙二種大衆不覺同異極疑衆心如

宜世尊為衆更說佛造作相而告文殊言善
男子如是二法譬如金剛神王及主海神王
其相各差別謂如金剛神王住金剛山現諸
境界唯現金光不現餘光真如一心金剛神
王亦復如是唯有淨法無餘法故又如金剛
神王唯出生清淨眷屬當不出生雜亂眷屬
論二

真如一心亦復如是唯出生無垢清淨法故
復次譬如主海神王住大海中出生種種鹿
惡眷屬種種善妙眷屬生滅一心主海神王
亦復如是出生一切深淨法故二者名為大
虛空王此中有二云何為二一者空自在空
王二者色自在空王第一空王以空容受而

爲自在第二空王以色容受而爲自在二種
本法亦復如是是一體空王以無住處而爲自
在三自空王以有住處而爲自在故金剛三
昧契經中作如是說心如法理自體空無如
彼空王本無住處一地契經中作如是說一
心法體於諸障身無有障身令住諸法譬如

空王於一切色得自在故容受大種故三者
名爲出生龍王此中有二云何爲二一者出
生光明龍王二者出生風水龍王第一龍王
以淨光明而爲依止第二龍王以風水德而
爲依止二種本法出生龍王亦復如是一體
本法以純淨法而爲其體三自本法以深淨

法而爲其德故順理契經中作如是說一心
本法純一無雜辟如光明龍王以淨光明而
爲宮殿以淨光明而爲相身以淨光明而爲
徒衆無始契經中作如是說辟如大海中有
大龍王名曰出生風水從其頭頂出生澄水
從其尾末出生標嵐由是龍故大海風水常

命

五

三日

恒相續無有斷絕一心龍王亦復如是能生
一切差別平等種種諸法常恒相續無有斷
絕故四者名爲如意珠藏此中有二云何爲
一者金主如意二者滿主如意第一如意
唯出生金剛第二如意具足出生善不善物
三種本法亦復如是一體如意唯生淨法三

自如意通生深淨故如如契經中作如是說
佛告金剛藏言佛子譬如金翅鳥王命終然
後其心入海爲如意珠能生金沙利益龍王
一心本法亦復如是能生真理利圓滿者本
性智契經中作如是說譬如遮多梨鬼爲報
息故於一萬劫爲如意珠利益海生一心如

意亦復如是能生長生死及涅槃法故五者
名爲方等此中有二云何爲二一者白毫方
等二者乱色方等第一方等中唯現前天像
第二方等中通現前五趣如是二毫衆生身
分顯了分明譬如明鏡二種本法亦復如是
故攝無量契經中作如是說清淨法界如白

必薩伴尸羅無盡法界如也必薩伴尸羅故
六者名為如來藏此中有二云何為二一者
遠轉遠縛如來藏二者與行與相如來藏實
際契經中作如是說佛子如來藏者唯有覺
者唯有知如如離流轉因離慮知縛一一白白
是故名為如來之藏楞伽契經中作如是說

如來藏者為善不善因受苦樂與因俱若生
若滅猶如伎兒故七者名為一法界此中有
二云何為二一者純白一法界二者無盡一
法界第一法界如空劫時第二法界如往劫
時真法界契經中作如是說空種無尋如空
長時遍種無尋如有長時故八者名為摩訶

衍義如前說九者名爲中實此中有二云何
爲二一者等住中實二者別住中實第一中
實如獨明珠第二中實如順明珠中實契經
中作如是說離邊真心若真如依如異同珠
若生滅依如同異珠故十者名爲一心此中
有二云何爲二一者是一是一一心二者是

一切是一一心第一一心隨所作立名第二
一心隨能作立名一心法契經中作如是說
尔時舍利弗前白佛言世尊本地修多羅中
作如是唱其心體性非大非小非法非非法
非同非異非一非一切何因緣故今日自言
真如一心因一故一生滅一心因多故一將

非世尊無有前後相違，遍耶佛言善男子，莫
作如是說，所以者何，心法非一，因所作一故，
假名為一心法，非一切，因所作一切故，假名
為一切，而言一心，不說一切心者，隨能作心，
立其名故，乃至廣說是名為十如是，十名，總
攝諸佛一切法藏根本名字，已說二法十種，
別名次說二門，名字差別，真如十名，其相云
何，頌曰

婆伽婆俱舍，健達阿哆那，必菩提波梨，健訶健婆那，
阿陀阿只尼，阿伽阿始那，度羅諾補帝，漢呼健那地，
摩訶標陀羅，婆阿久尼羅，如是十種名，真如不苦，辦
論曰，心真如門，有十種名，云何為十一者，名

為如來藏門無雜亂故二者名為不二平等
門無差別故三者名為一道清淨門無異岐
故四者名為不起不動門離作業故五者名
為無斷無縛門無治障故六者名為無去無
來門無上下故七者名為出世間門無四相
故八者名為寂滅寂靜門無徃向故九者名

為大憇相門無別相故十者名為真如門無
虛偽故是名為十如是十名憇攝諸佛一切
法藏平等義理法門名字生滅十名其相云
何頌曰

阿梨耶鍵摩 婆伽婆俱舍 阿仔婆那羅 健訶健只且
健伽健始那 又又筏那羅 羅詣補帝尸 闍縛多涅落

阿耨多羅三藐三菩提如是十種名生滅不共
論曰心生滅門有十種名云何爲十一者名
爲藏識門攝持一切染淨法故二者名爲如
來藏門覆藏如來法身體故三者名爲起動
門相續作業故四者名爲有斷有縛門有治
障故五者名爲有去有來門有上下故六者

名爲多相分異門染淨之法過恒沙故七者
名爲世間門四相俱轉故八者名爲流轉還
滅門具足生死及涅槃故九者名爲相待俱
成門無自成法故十者名爲生滅門表無常
相故是名爲十如是十名總攝諸佛一切法
藏種種差別法門名字已訖二門十種別名

次說同異分相門二種本法同異差別其相
云何頌曰

有三異二同各依門境別各適局故同名異義故
論曰二種本法有三異二同云何爲三異一
者依異各有所依摩訶衍故二者門異各其
能入門差別故三者境異各緣自依爲境界

故是名爲三異云何爲二同一者適同周遍
法界等其量故二者名同十種名字通二法
故是名爲二同何故如是同名異義故二種
法門同異差別其相云何頌曰

有七異二同人法依行體境界位別故異名異義故
論曰是二種門有七異一曰云何爲七異一

者人衆異真如門中唯レ有清淨解脫者故生
滅門中備有三聚諸衆生故二者法門異真
如門中唯レ有一向清白品法故生滅門中備
有レ一切染淨法故三者所依異各有レ所依摩
訶衍故四者行法異真如門中一レ心一念生
縛不生ヲ以爲ニ其行故生滅門中以ニ生滅生以
滅滅滅ヲ以爲ニ其行故五者體相異心真如門
與其本等故心生滅門與其本別故楞伽契
經中作如是說寂滅者名爲一心一レ心者名
如來藏故六者境界異各緣自依爲境界故
七者位地異真如門中相雜住故生滅門中
住向住故是名爲七異云何爲一同所謂道

同故何故如是異名異義故二門位地何等
契經分明顯說各有幾位頌曰

楞伽等契經真如有一種生滅門有二唯亂上下故
論曰二門位地楞伽等契經中分明顯說故
謂大水楞伽契經中作如是說

迴向即信心信心即佛地佛地即十地十地即發心

分派楞伽契經中作如是說

十地爲初地初地爲八地九地爲七地七地爲八地

二地爲三地四地爲五地三地爲六地寂滅有何次

真修契經中作如是說

一歲母一時生五十歲見彼五十歲見懷妊一歲母

生五十一歲大丈夫男子或豈如有或豈如是無

如是等諸經依心真如門建立其位地於真
如門唯有一向雜亂住位無有餘位是故頌
言唯亂餘契經中次第徃向種種位地依生
滅門而所安立應審觀察於生滅門有二種
位云何爲二一者向上門二者向下門如是
二門生滅次擇自當顯說心生滅門正智所
證性真如理何門所攝生滅門所攝非真如
門分界別故二門真如後有何別真如門理
理自理故生滅門理智自理故二門位地以
何義故其理各別無障有障故舉是一隅隨
應應觀已說建立四種法相門是二種門皆
各總攝一切法者即是法門該攝圓滿門謂

以真如門攝一切法無一一法而非真如故
以生滅門攝一切法無一一法而非生滅故
然真如門不能攝生滅門一切諸法又生滅
門不能攝真如門一切諸法而言總攝一切
法者總攝生滅一切法故總攝真如一切法
故所以者何如是二門皆悉平等各各別故

已說法門該攝圓滿門此義云何以是二門
不相離故者即是發起問答顯因門謂直表
問故直說答故

五日

已說略說分次說廣說分

承曰心真如者即是一法界大總相法門體
所謂心性不生不滅一切諸法唯依妄念而

有差別若離心念則無一切境界之相是故
一切法從本已來離言說相離名字相離心
緣相畢竟平等無有變異不可破壞唯是一
心故名真如以一切言說假名無實但隨妄
念不可得故言真如者亦無有相謂言說之
極因言遣言此真如體無有可遣以一切法
悉皆真故亦無可立以一切法皆同如故當
知一切法不可說不可念故名爲真如問曰
若如是義者諸衆生等云何隨順而能得入
答曰若知一切法雖說無有能說可說雖念
亦無能念可念是名隨順若離諸念名爲得
入獲此真如者依言說分別有二種義云何

無二一者如實空以能究竟顯實故二者如
實不空以有自體具足無漏性功德故所言
空者從本已來一切染法不相應故謂離一
切法差別之相以無塵妄心念故當知真如
自性非有相非無相非非有相非非無相非
有無俱相非一相非異相非非一相非非異

相非一異俱相乃至惣說依一切衆生以有
妄心念念分別皆不相應故說爲空若離妄
心實無可空故所言不空者已顯法體空無
妄故即是真心常恒不變淨法滿足則名不
空亦無有相可取以離念境界唯證相應故
論曰即是廣說分此中有三門云何爲三一

者根水體性真如門二者發起問答決疑門
三者假說開相真如門第一門中即有三門
云何爲三一者建立名字門二者直詮真體
門三者解釋名字門心真如者即是一法界
大迦洎法門體者即是建立名字門謂隨功
能立其名故一心真如各有十名何故除餘
唯立是名作業當故所餘衆名必非如是故
畧不立此義云何心一作大業法作惣業界
作相業故法之門門即是體是故說言法門
體種種別相率向應審已說建立名字門次
說直詮真體門所謂心性不生不滅者直詮
直如門而簡生滅門謂真如法非生非滅無

生無滅非住非異極住無異非如生滅之法
是生是滅有生有滅是住是異有住有異故
以相有無為差別故彼亦非是言不非謂是
非故言不惡所以者何其真如法百非非非
十是非是非非是於非二亦不住故一切
諸法唯依妄念而有差別者且假彼有顯此

六日
是無謂假生滅門之假有示真如門之實無
故若離心念即無一切境界之相者若離諸
戲論之識無有一切妄境界故是故一切法
從本已來離言說相離名字相離心緣相者
直顯示真如法離絕之相故言說名字心量
皆有幾數其相云何頌曰

言說有五種名字有二種心量有十種契經異說
謂曰言說有五云何爲五一者相言說二者
夢言說三者妄執言說四者無始言說五者
如義言說楞伽契經中作如是說大慧相言
說者所謂執著色等諸相而生大慧夢言說
者念本受用塵妄境界依境界夢覺已知依

塵妄境界不實而生大慧執著言說者念本
所聞所作業而生大慧無始言說者從無始
來執著戲論煩惱種子熏習而生金剛三昧
契經中作如是說舍利弗言一切万法皆悉
言文言文之相則非爲義如實之義不可言
說今者如來云何說法謂言哉說法者以汝

衆生在生說故說不可說是故說之我所說
者義語非文衆生說者文語非義非義語者
皆悉空無空無之言無言於義不言義者皆
是妄語如義語者實空不空空實不實離於
二相中間不中不中之法離於三相不見處
所如如如說故如是五中前四言說塵妄說

故不能談真後一言說如實說故得談真理
馬鳴菩薩據前四故作如是說離言說相名
有二種云何爲二一者字字名二者字影名
楞伽契經中作如是說大慧後次名身者所
謂諸字從名差別從阿字乃至呵字名爲名
身道品契經中作如是說鏡中共說名爲顯

影名故字有二種云何爲三一者依聲字二
者依空字楞伽契經中作如是說大慧復次
字身者謂聲長短音韻高下名爲字身大海
契經中作如是說佛告父殊師利言汝所前
問云何名爲虚空輪字者譬如虚空中飛鳥
踰明曜時出十種和聲虚空輪字應如是觀

七日

故如是二中各初一種不能詮表甚深真理
各後一種得詮真理今據前門作如是說離
名字相心量有十云何爲十一者眼識心二
者耳識心三者鼻識心四者舌識心五者身
識心六者意識心七者末那識心八者阿梨
耶識心九者多一識心十者一一識心如是

十^カ中初九種心不^レ緣真理後一種心得^レ緣真
理而爲境界今據前九作如是說離心緣相
本有契經中作如是說甚深真體非餘境界
唯自所依緣爲境界故畢竟平等無有變理
不可破壞者顯示三離之功德故謂一切差
別以四種妄言說而爲根本而轉一切外道

九種變論十種異執唯以名字爲本而轉一
切煩惱破障一切所知壞障唯以心法爲依
而轉故而真體中離三相故滿三德耳唯是
一心故名真如者總結體真如以一切言說
假名無實但隨妄念不可得故者顯示三離
之因緣故謂以一切言說無實一切假名無

實一切心識但隨妄念不可得故不可言說
真實理中示離三相故塵假之相如實之法
極相違故言真如者亦無有相者第二傳言
遺執著之過謂愚衆生作如是執遠離三相
圓滿三德體真如理雖無假相而有實相自
然常住決定實有由如是計墮於常邊無出

離時是故爲遣如是見故言言真如者亦無
有相謂言說之極因言遣言者直示真如無
相之因緣謂諸言說極於真如更莫超過既
絕言說豈得有相無言故得因言遣言而已
於是能遣如如如說所遣四種塵妄言說大
本維摩詰契經中作如是說余時文殊師利

菩薩摩訶薩語鳩那阿氏陀多言我等諸大
衆皆悉各各隨所自樂宣說八十一種向不
二門如宜維摩詰爲我等大衆離言說言說
說非不二不二除遣假說之垢於是維摩詰
默然無所說尔時文殊讚維摩詰言善哉善
哉善哉居士知言說如如耳聽如善哉善哉

善哉斯乃真實不二法門斯乃真實不二法
體故已說直詮真體門次說解釋名字門此
真如體無有可遣以一切法悉皆真故者約
真釋名亦無可立以一切法皆同如故者約
知釋名此文明何義所謂顯示無有斷證智
故此義云何謂斷道起必因治障不能自起

而真體中無有染法而可除遣故無有能治
之斷道所以者何以無有一一法而非真體
故後次若有障智隨心高下應可建立一切
位地而如體中無有分位而可建立故無有
能立之方便所以者何以無有一一法而非
如體故當知一切法不可說不可念故名爲

真如者惣結前上說故已說根本體性真如
門次說發起問答決疑門問曰若如是義者
諸衆生等云何隨順而能得入者生疑致問
問者依何等句發何等疑所謂依不可說不
可念句故發難隨順之疑依第二傳言故發
難得入之疑於是隨順之句直疑其因得入

之句直疑其果所以者何善巧言說生長聞
慧隨順方便聞所成慧生長思慧隨順方便
思所成慧生長修慧隨順方便一切善教極
於言說一切三慧盡於念法若無言說即無
三慧若無三慧即無万行而真如法不可說
故無有言教不可念故即無三慧無三慧故

無以成就十地万行諸衆生等以何爲依漸
漸進修如是疑故作問而言云何隨順行因
能起果德所起若無起因即無能入若無能
入不得所入能入謂金剛心所入謂金剛
地而已已無因以何爲門證入於如來薩般
若海中如是疑故作問而言而能得入如是

二問依生滅門疑真如門謂有衆生作如身
疑如生滅門中斷一切惡修一切善備足因
行圓滿果德真如門中亦復如是豈不可說
廢加行善不可念誹五等位今舉此意發起
疑問答曰若知一切法雖說無有能說可說
雖念亦無能念可念是名隨順若離說念名

爲得入者如其次第從二疑所謂隨順自
有二種云何爲二一者生滅隨順二者真如
隨順生滅隨順中而有其二種云何爲二一
者向上隨順二者向下隨順向上隨順者從
信乃至金剛能爲菩提果隨順方便故向下
隨順者從自性淨妙藏乃至第一念信能爲

耶耶地隨順方便故所言向上隨順者因無
常音聲言說生長無常之聞慧因無常之聞
慧生長無常之思慧因無常之思慧生長無
常之修慧因無常之修慧生長無常之行德
是名向上所言向下隨順者因常之行德生
長常之修慧因常之修慧生長常之思慧因

常之思慧生長常之聞慧因常之聞慧生長
常之言說是名向下如是二門同時具足無
有前後障智別相至於文處自當顯說真如
門中作如是說不可說者以無有常無常之
音聲言說故不可念者以無有常無常之三
慧故非無自門之言說及念作如是說不可

說不可念（云々）以此義故不可以異門（ラ）難異門（ラ）此
有故彼有彼有故（ホカニ）此有若尔真如門中言說
及念何等相耶謂有言說非常音聲非無常
音聲謂無能說可說如如如說後次有念非
常三慧非無常三慧謂無能念可念寂滅寂
靜念所以者何真如門中無有徃向雜亂住

論二

故云何（ニ）名爲真如隨順（ニ）謂若知一切法雖說
無有常說說無有無常說說無能說說無可
說說（ノ）是名爲隨順於真如音聲若與此相違
是名爲顛倒於真如音聲後次若知一切法
雖念無常慧念無無常慧念無能念念無可
念念是名爲隨順於寂滅寂靜念若與此相

違是名爲顛倒於寂滅寂靜念已說隨順相
次決得入疑此中有二云何爲二一者生滅
得入二者真如得入生滅得入中而有其二
種云何爲二一者向上得入二者向下得入
言向上得入者即金金剛地言向下得入者
則耶耶地須隨順句應審觀察真如得入者

十日

即自所依以何得入謂是雜住云何得入謂
離說念離何等說念耶謂真如門俱非言說
及俱非念是故說言若離說念名爲得入第
一傳言得成就故第二傳疑決勘理明已說
發起問答決疑門次說假說開相真如門此
中有二門云何爲二一者如實空真如門二

者如實不空真如門如實空者如如體中過
於恒沙一切深法皆悉空空無所有故如實
不空者如如體中過於恒沙一切淨法皆悉
具足無所少故如是二門隨一一具不相捨
離於是應誦玄理頌言如彼頌曰

遠離三假相圓滿三實德以此因緣故建立體真如

遠離四句相圓滿四法德以此因緣故建立相真如
一切過患行三四相爲衆一切功德品三四德爲衆
以此因緣故不增亦不減止於數量品作如是安立
今誦此頌本應持真如門以離念境界准證
相應故者是往住證非往向證

已說心真如門 次說心生滅門

本曰心生滅者依如來藏故有生滅心所謂
不生不滅與生滅和合非一非異名爲阿梨
耶識此識有二種義能攝一切法能生一切
法云何爲二一者覺義二者不覺義

論曰此中有二門云何爲二一者所依惣相
門二者能依別相門此中有二重住思應觀

察謂生滅門一心爲依故生滅門攝覺義不
覺義梨耶爲依故先說初門心生滅者者唱
上立下故依如來藏故者所依一心彼多一
心亦名如來藏故則是上心字下降建立異
名故有生滅心者能依法門謂生滅門故今
當依經如來藏門分明顯示如來之藏其數

幾有今此如來藏何所攝耶頌曰

如來藏有十契經異說故此中如來藏與行與相攝

論曰如來藏有十種於契經中別別說故云

何爲十一者大惣持如來藏盡攝一切如來

藏故諸佛無盡藏契經中作如是說佛告文

殊言有如來藏名曰大寶無盡殊勝圓滿滿地

羅尼盡攝諸藏無所不通無所不當圓滿圓

滿平等平等一切所有諸如來藏無有以此

非爲根本何以故此如來藏如來藏王如來

藏主如來藏天如來藏地以此義故名曰大

寶無盡殊勝圓滿滿地羅尼如來藏故此經文

明何義所謂顯示陀羅尼藏所依惣相餘契

經中諸如來藏能依別相故以何義故名如
來藏謂攝持故二者遠轉遠縛如來藏一清
一滿故實際契經中作如是說佛子如來藏
者唯有覺者唯有如如離流轉因離愚知縛
一一白白是故名爲如來之藏故此經文明
何義所謂顯示真如一心無有惑因無有覺

二日

因無有惑果無有覺果一真一如唯有淨妙
如來體故以何義故名如來藏謂無雜故三
者與行與相如來藏與流轉力法身如來令
覆藏故楞伽契經中作如是說如來藏者爲
善不善因受苦樂與因俱若生若滅猶如伎
兒故此經文明何義所謂顯示生滅一心於

惑與力於覺與力出現生死涅槃之法譬如
非幻幻人於諸幻事隨其所應與力用故以
何義故名如來藏謂令覆故四者真如真如
如來藏唯有如如故真修契經中作如是說
如理如理如來藏非建立非誹謗非常非無
常非正體智之所證得亦非意識之所緣

論二

二十一

境界何以故唯有理理無彼彼故此經文明
何義所謂顯示真如門中性真如理唯理自
理非智自理故以何義故名如來藏謂無他
故五者生滅真如如來藏不生不滅彼生滅
之染故楞伽契經中作如是說大惠愚癡凡
夫不覺不知執著諸法剎那不住隨在邪見

而作是言無漏之法亦刹那不住破彼真如
如來藏故後次大惠金剛如來藏如來證法
非刹那不住大惠如來證法若刹那不住者
一切聖人不成聖人故此經文明何義所謂
顯示生滅門中性真如理遠離無常之相不
生不滅之法故以何義故名如來藏謂被染

故六者空如來藏一切諸空覆藏如來故勝
曇契經中作如是說世尊空如來藏若離若
脫若異一切煩惱藏故此經文明何義所謂
顯示生滅門中一切染法隱覆自相本覺無
量性功德故以何義故一切染法惣名為空
所謂一切染法幻化差別體相無實作用非

真教名爲空而能隱覆法身如來實德真體
是故名爲如來之藏從能藏淨立其名故七
者不空如來藏一切不空被空淨故勝曇契
經中作如是說世尊不空如來藏過恒沙不
離不脫不異不思議佛法故此經文明何義
所謂顯示生滅門中自相本覺備過恒沙一

切功德被過恒沙一切淨法之所淨故以何
義故一切淨法總名不空所謂一切淨法自
體中實作用勝妙遠離塵假超越巧偽故名
不空被淨之覆名如來藏於出現時名爲法
身於隱覆時名如來藏故從所藏淨立其名
故八者能攝如來藏無明藏中自性淨心能

攝一切諸功德故不增不減契經中作如是
說如來藏本際相應體及清淨法此法如實
不虛妄不離不脫智不思議佛法無始本際
來有此清淨相應法體故此經文明何義所
謂顯示一切諸衆生自性清淨心從無始已
來具足三智圓滿四德無所闕失故以何義

三日

故名如來藏由顛倒心不知不覺故從能所
淨立其名故九者所攝如來藏一切染法無
明地藏既乃出離圓滿覺者爲所攝故不增
不減契經中作如是說如來藏本際不相應
體及煩惱纏不清淨法此法本際離脫不相
應煩惱纏不清淨法唯有如來菩提智之所

能斷故此經文明何義所謂顯示始覺滿備
斷一切障具一切智智明爲外障闇爲內一
切染法智所攝持故以何義故名如來藏謂
攝持故十者隱覆如來藏法身如來煩惱所
隱覆沒藏故不增不減契經中作如是說如
來藏未來際平等恒及有法則是一切諸法
根本備一切法具一切法於世法中不離不
脫故此經文明何義所謂顯示多一心體等
於法界遍於三際具足圓滿染淨諸法無所
不通無所不至故復次顯示隨緣門中自性
淨心於染法中隱藏沉沒法身如來未出現
故是名爲十如是十中今如來藏與行與相

通已說如來藏門次說阿黎耶識門所謂不生不滅與生滅和合非一非異名為阿黎耶識者略去分名建立蒲名雖義具足言未足故此中所說不生不滅及與生滅各何等法分際云何頌曰

惣攝諸無為名為不生滅惣攝諸有為故名為生滅

論曰惣攝一切無為法故是故名為不生不滅不生不滅諸無為法之惣相故惣攝一切有為法故是故名生滅生滅之言諸有為法之惣相故如是有為無為二法各有幾數何等名字頌曰

其為雖無量略說有四種謂真如本覺始覺與真空

有為雖無量略說有五種謂根本無明及與四相品
論曰無為法有四種云何為四一者真如無
為二者本覺無為三者始覺無為四者虛空
無為是名為四有為法有五種云何為五一
者根本無明有為二者生相有為三者住相
有為四者異相有為五者滅相有為是名為

五且四無為以何為體有何等用頌曰

依各有二種所謂通及別如體用亦尔隨釋應觀察

論曰真如無為有二所依云何為二一者通
所依非有為非無為一心本法以為體故二
者別所依生滅門內寂靜理法以為體故本
覺無為有二所依云何為二一者通所依非

有爲非無爲、一心、本法以爲體故、二者別所
依生滅門內、自然本智以爲體故、始覺無爲、
有二所依云何爲二、一者通所依非有爲非
無爲、一心、本法以爲體故、二者別所依生滅
門內、隨他起智以爲體故、虛空無爲、有二所
依云何爲二、一者通所依非有爲非無爲、一

心、本法以爲體故、二者別所依生滅門內、無
所有事、以爲體故、是名二依、後次真如無爲、
有二種、用云何爲二、一者通用一切諸法、令
出生故、二者別用平等之性、令不失故、本覺
無爲、有二種、用云何爲二、一者通用不守自
性故、二者別用不轉變故、始覺無爲、有二種、

用云何爲二一者通用隨安轉故二者別用
對治自過故。虛空無爲有二種用云何爲二
一者通用欲有令有故二者別用空無之性
令不失故是名二用。此中所說通謂他義別
謂自義依此二言應廣觀察種種別相至於
文處自當顯說五種有爲以何爲體有何等

用頌曰

依各有二種所謂通及別如體用亦尔隨釋應觀察
論曰根本無明有二種依云何爲二一者通
依非有爲非無爲一心本法以爲體故二者
別依生滅門內大力住持以爲體故生相有
爲有二種依云何爲二一者通依非有爲非

無爲一心本法以爲體故二者別依生滅門
內細分染法以爲體故住相有爲有二種依
云何爲二一者通依非有爲非無爲一心本
法以爲體故二者別依生滅門內麁分染法
以爲體故異相有爲有二種依云何爲二一
者通依非有爲非無爲一心本法以爲體故

二者別依生滅門內麁分染法以爲體故滅
相有爲有二種依云何爲二一者通依非有
爲非無爲一心本法以爲體故二者別依生
滅門內麁分染法以爲體故是名二依復次
根本無明有二種用云何爲二一者通用能
生一切諸染法故二者別用隨所至處作等

事故生相有爲有二種用云何爲二一者通
用於上下中與其力故二者別用隨所至處
作尋事故如說生相住異亦余滅相有爲有
二種用云何爲二一者通用於上及自與其
力故二者別用能作尋事故是名二用種種
別相至於文處自當顯說以何義故作如是

說有爲無爲一切諸法通以一心而爲其體
於契經中作如是說故何等契經謂道智經
云何說耶於彼契經中作如是說余時文殊
師利前白佛言世尊阿契耶識具一切法備
一切法過於恒沙過於恒沙如是諸法以誰
爲本生於何處佛言如是有爲無爲一切諸

法生魔殊勝不可思議何以故於非有爲非
無爲魔是有爲是無爲法而能生故文殊師
利又白佛言世尊云何名爲非有爲非無爲
魔佛言非有爲非無爲魔者所謂則是一心
本法非有爲故能作有爲非無爲故能作無
爲是故我言生魔殊勝不可思議後次善男

子譬如廢子有二所依一者大王二者父母
有爲無爲一切諸法亦復如是各有二依謂
通達依及支分依後次善男子譬如一切草
木有二所依一者大地二者種子有爲無爲
一切諸法亦復如是各有二依謂通達依及
支分依乃至廣說故與和合者即是開示能

九日

熏所熏之差別故云何開示所謂顯示染淨
諸法有力無力互有勝劣故今當作二門分
明顯說云何爲二一者下轉門二者上轉門
生滅門中不出此二如是二門云何差別頌

曰

諸染法有力諸淨法無力背舉下下轉名爲下轉門

諸淨法有力諸染法無力向舉上上轉名爲上轉門

論曰由染淨諸法互有勝劣故二種轉門得

成而已今當先說初下轉門根本無明以何

等法而爲所熏於何時中而作熏事頌曰

所熏有五種謂一法界心及四種無爲非初非中後

收初中後故如契經明說

論曰根本無明以五種法而爲所熏謂一法
界及四無爲熏一法界其相云何頌曰
一種法界心有二種自在謂有爲無爲是根本無明
依於初自在而能作熏事

論曰一法界心有二種自在云何爲二一者
有爲自在能爲有爲法而作依止故二者無

爲自在能爲無爲法而作依止故根本無明
依初自在能作熏事非後自在中實契經中
作如是說根本無明熏自所依分際之量非
他所依故熏真如法其相云何頌曰

真如無爲法有二種作用所謂通及別如前次擇說
是根本無明依於初作用而能作熏事餘無爲亦余

論曰真如無爲有二種用謂通及別如前所
說根本無明依初作用能作熏事非後作用
如說真如餘三無爲亦復如是皆依初用非
後用故根本無明作熏事時量非初亦非中
後取初中後故本智契經中作如是說大力
無明作熏事時初及中後一時具取而非別

トム

ニナ

取故此中所說能熏所熏以何義故名言爲
熏謂能引彼法而令自體不相捨離俱行俱
轉故名能熏又能彼法不作障導若隨若順
不違違故名爲所熏謂五有爲法能熏四種
無爲法及一法界心所熏五法隨來而與五
能熏共會和合同事俱轉是故說言不生不

滅與生滅和合如大無明一心本法爲通依
故依初自在作熏習事四相有爲應如是知
如大無明依四無爲通達作用能作熏事四
相有爲應如是知如是等義至自決擇其理
分明非一非異者則是開示有爲無爲同異
差別故云何開示所謂爲欲願示一法界心

無爲自在四種無爲別事作用與一法界心
有爲自在四種無爲通達作用不同理故名
爲非一爲欲願示受能熏染一法界心有爲
自在四種無爲通達作用與能作熏事五種
有爲不異理故名爲非異後次所熏淨法與
能熏染法各差別故名爲非一能熏所熏俱

六日

一心作無有他故名爲非異名爲阿黎耶識
者想結圓滿字已說下轉門次說上轉門若
欲成立此上轉門更應安置經本之辭所謂
楞伽王契經中作如是說衆時世尊告大衆
言諸佛子我念往昔於出時中我來依他於
入時中他來依我故此經文明何義謂顯示

二十

二轉故云何顯示謂於出時中我來依他者
即是下轉於入時中他來依我者即是上轉
此義云何我謂即是真如本覺如來藏佛故
來謂受熏之義故依他者背自本體依無明
他故依此經文作解釋故是故說言不生不
滅與生滅和合則是下轉門若欲成立上轉

門者可言生滅與不生不滅和合以此義故
玄理論中則存斯詞焉鳴菩薩本阿世耶比
來次第分明顯了舉一兼一顯示而已是故
無有闕失過咎上轉門義於對治分其理自
明已說上轉門次說該攝安立門諸識差別
其數幾有何等契經中各說幾種諸頌曰

半居大覺尊一代聖說中總集有十種各異說契經
謂一種為始十種而為終歸本等契經分明顯說故
論曰凡集一代諸聖說中異說契經總有十
種謂從一種識乃至十種識云何為十種差
別經一者立一種識惣攝諸識此中有四云
何為四一者立一切一心識惣攝諸識所謂

以一心識通於三種自在無所不安立故一
心法界契經中作如是說尔時文殊師利承
佛威神之力即白佛言世尊說幾種識體相
如何當願為我分別開示尔時世尊告文殊
師利言善哉善哉文殊師利為諸大衆當問
此事請聽諸善思念之我當為汝分別解

說於是文殊白佛言善哉世尊願欲樂聞佛
告文殊師利言我唯建立一種識所餘之識
非建立焉所以者何一種識者多一識此
識有種種力能作一切種種名字而唯一識
終無餘法是故我說建立一種識所餘之識
亦建立焉故二者立阿黎耶識惣攝諸識所謂

以阿黎耶識具足障尋義無障尋義無所不
羅故阿黎耶識契經中作如是說今時觀自
在菩薩即白佛言世尊云何名為通達惣相
識以何義故名惣相佛告觀自在菩薩言
所言通達惣相識者則是阿黎耶識此識有
尋尋及非尋尋具一切法備一切法譬如大

海為水波等作惣相者以此義故名惣相
故三者立末那識惣攝諸識所謂以末那識
具足十一義無所不攝故顯了契經中作如
是說種種心識雖有無量唯末那轉無有餘
法所以者何是末那識具足十一義無所不
攝故四者立一意識惣攝諸識所謂以意識

有^テ七種轉變自在隨能作^ス其事故七化契經
中作^ス如是說譬如幻師唯^ハ是^レ一人以^テ幻術力^ヲ
變化^{スルニ}七人愚人見^ハ之謂^テ有^リ七人而智者見^{ルカニ}唯^ハ
有^テ一人無餘^シ七人意識幻師亦復如是唯^ハ是^レ
一識能作^ッ七事凡夫見^ハ之謂^{モリ}有^ト七事而覺者^ハ
見^{ルカニ}唯^ハ有意識無餘^シ七事故是^ニ名建立^{スル}同一種

七日

識四種契經二者立^テ二種識惣攝諸識云何
爲^ル二一者阿梨耶識二者意識阿梨耶識者
惣舉^{ルカ}業轉現三識故意識者惣舉^{ルカ}七種轉識
故楞伽契經中作^ス如是說大惠廣說有^リ八種
識略說有^リ二種云何爲^ル二一者了別識二者
分別事識乃至廣說故三者立^テ三種識惣攝

諸識云何爲三。一者阿黎耶識。二者末那識。
三者意識。阿黎耶識者。總舉三相識。故末那
識者。直意根。故意識者。總舉六種轉識。故慈
雲契經中作如是說。後次故首廣說有十種。
識。總說有三種。識云何爲三。一者細相性識。
二者根相性識。三者分離相性識。乃至廣說。
故四者立四種。識。總攝諸識云何爲四。謂前
三中加一心識。故無相契經中作如是說。識
法雖無量。不出四種。識云何爲四。一者所依
本一識。二者能依持藏識。三者意持識。四者
遍分別識。乃至廣說。故五者立五種。識。總攝
諸識云何爲五。謂前四中加隨順遍轉識。故

大無量契經中作如是說後次有識非彼彼
識攝通於彼彼識所謂隨順遍轉識故六者
立六種識惣攝諸識云何爲六所謂眼等五
種別識及第六意識故四聖諦契經中作如
是說佛告樹王我爲小根諸衆生故以密意
趣作如是唱但有六識無有餘識而實本意
爲欲令知六種識中具一切識於大衆中作
如是唱故七者立七種識惣攝諸識云何爲
七謂前六中加末那識故法門契經中作如
是說後次文殊師利說法有七種云何爲七
所謂六識身及末那識如是七識或一時轉
或前後轉後次第七識有殊勝力故或時遣

作持藏之用或時造作分別之依故八者立
八種識惣攝諸識云何爲八謂前七中加阿
黎耶識故道智契經中作如是說心王有八
云何爲八一者眼識心王乃至八者異熟報
識心王種種識法不出此數故九者立九種
識惣攝諸識云何爲九謂前八中加庵摩羅

識故金剛三昧契經中作如是說今時無住
菩薩而白佛言尊者以何利轉而轉衆生一
切情識入庵摩羅佛言諸佛如來常以一覺
而轉諸識入庵摩羅故十者立十種識惣攝
諸識云何爲十謂前九中加一切一心識故
法門契經中作如是說心量雖無量而不出

十識乃至廣說故是名十種異說契經如是

十種於寶冊中云何該攝云何安止頌曰

於本論雖明今更作重釋將契經散文屬斯論想言

論曰於本論中雖分明說而今為鈍更作重

釋將契經文屬當論言所謂一心法界契經

論二

三十三

中意所建立一切一心識摩訶衍論一法界

攝義如前說阿黎耶識契經中意所建立阿

黎耶識摩訶衍論想阿黎耶攝所以者何於

本論中作如是說所謂不生不滅與生滅和

合非一非異名爲阿黎耶識此識有二種義

能攝一切法生一切法云何爲二一者覺義

二者不覺義故顯了契經中意所建立大末

那識摩訶衍論惣末那攝所以者何於本論
中作如是說復次生滅因緣者所謂衆生依
心意意識轉故此義云何以依阿梨耶識說
有無明不覺而起能見能現能取境界起念
相續故說爲意此意復有五種名云何爲五
一者名爲業識謂無明力不覺心動故二者
名爲轉識依於動心能見相故三者名爲現
識所謂能現一切境界猶如明鏡現於色像
現識亦亦隨其五塵對至則現無有前後以
一切時任運而起常在前故四者名爲智識
謂分別染淨法故五者名爲相續識以念相
應不斷故乃至廣說故七化契經中惣明建

論曰阿梨耶識^{アリヤ}有十種所以者何^{トモテ}於契經^{キエキョウ}中別別說故云何爲十一者名爲大攝主阿梨耶識所謂即是大惣相識義如前說二者名爲根本無明阿梨耶識所謂根本無明別立以爲阿梨耶故十種妄想契經中作如是說剎闍只多提王識直是妄法不能了達一

法界體一切諸法阿梨耶識以爲根本出生增長無斷絕時若無提王識黑品眷屬永無所依不能生長故此阿梨耶識當何決擇攝於本論中作如是說所言不覺義者謂不如實知真如法一故不覺心起而有其念乃至廣說故三者名爲清淨本覺阿梨耶識所謂

自然本智別立以爲阿黎耶故本覺契經中
作如是說自體淨佛阿黎耶識具足無漏圓
滿功德常恒清淨常恒安之無受熏相無變
異相智體不動具足白品是故名爲獨一淨
識故此阿黎耶識當何處擇攝於本論中作
如是說後次覺體相者有四種大義與塵空

九日

等猶如淨鏡乃至廣說故四者名爲深淨本
覺阿黎耶識所謂不守自性陀羅尼智別立
以爲阿黎耶故本因緣起契經中作如是說
尔時光嚴童子則白佛言尊者以何因緣故
難入未曾有會中作如是言隨他緣起陀羅
尼智名爲楞伽王識云何名爲楞伽王以之

爲喻示彼緣起陀羅尼智於是尊者告光嚴
童子言此楞伽王常在大海摩羅山中率十
萬六千鬼神之衆以爲眷屬如是諸眷屬衆
華宮殿遊於諸刹皆悉承賴彼楞伽王方得
遊行所謂諸鬼神衆作如是言我等神衆無
有威德無有氣力於諸所作無有其能如宜

大王我等衆中與堪能力彼楞伽王則隨其
時與殊勝力不相捨離而共俱轉謂楞伽王
雖非分身而能徧滿諸神衆中各各令得全
身之量於一切時於一切處共轉不離不守
自性智亦復如是能受一切無量無邊煩惱
深法鬼神衆熏不相捨離而俱轉故以此因

緣故我難入會中作如是說隨轉覺智名爲
楞伽王識故此阿梨耶識當何次擇攝於本
論中作如是說自性清淨心因無明風動心
與無明俱無形相不相捨離乃至廣說故五
者名爲業相業識阿梨耶識所謂根本業相
及與業識別立以爲阿梨耶故本性智契經

中作如是說阿梨耶識無能了作無所了作
不可分拆不可隔別唯由精動隱流義故名
爲鍵摩故此阿梨耶識當何次擇攝於本論
中作如是說後次依不覺故生三種相與彼
不覺相應不離云何爲三一者無明業相以
依不覺故心動說名爲業覺則不動動則有

若果不離因故六者名爲轉相轉識阿梨耶
識所謂能見境界之相及與轉識別立以爲
阿梨耶故大無量契經中作如是說阿梨耶
識有見見轉無見見起故此阿梨耶識當何
決擇攝於本論中作如是說二者能見相以
依動故能見不動則無見故七者名爲現相

現識阿梨耶識所謂境界之相及與現識別
立以爲阿梨耶故實際契經中作如是說別
異別異現前地轉相異相異具足行轉是故
名爲阿梨耶識復以此阿梨耶識直是異熟
無記之法淨白相故或名成熟故此阿梨耶
識當何決擇攝於本論中作如是說三者境

邪相以依能見故境界妄現離見則無境界
故八者名爲性真如理阿黎耶識所謂正智
所證清淨真如別立以爲阿黎耶故諸法同
體契經中作如是說有識是識非識攝所
謂如如阿黎耶識故此阿黎耶識當何決擇
攝所謂清淨般若質境真如攝故九者名爲
清淨始覺阿黎耶識所謂本有清白始覺然
若別立以爲阿黎耶故果圓滿契經中作如
是說佛告菩提樹王言自然始覺阿黎耶識
當常不離清淨本覺清淨本覺當常不離始
覺淨識隨是彼有隨彼是有或非同種或非
異種故此阿黎耶識當何決擇攝於本論中

作如是說本覺義者對始覺說以始覺者則
同本覺故十者名爲深淨始覺阿梨耶識所
謂隨緣始覺般若別立以爲阿梨耶故果圓
滿契經中作如是說復次樹王如始覺淨識
及白淨本覺說深淨始覺阿梨耶識不守自
性緣起本覺亦復如是故此阿梨耶識當何

決擇攝於本論中作如是說始覺義者依本
覺故而有不覺依不覺故說有始覺又以覺
心原故名究竟覺不覺心原故非究竟覺乃
至廣說故如是等義至自決擇自當備演十
種末那六種意識於後文中隨次釋故今畧
而已已說藏識部字門次說總識攝生圓滿

門此識有二種義能攝一切法生一切法云
何爲二一者覺義二者不覺義者惣顯示大
識殊勝圓滿相故此義云何所謂具足二種
圓滿故云何爲三一者功德圓滿二者過患
圓滿功德圓滿者覺義字句能攝一切無量
無邊過於恒沙不離不斷諸功德故能生二

切無量無邊過於恒沙不離不斷諸功德故
過患圓滿者不覺義字句能攝一切無量無
邊過於恒沙若離若脫諸過患故能生一切
無量無邊過於恒沙若離若脫諸過患故如
是種種攝生熏習差別之相至彼別相次第
分中分明顯示

釋摩訶衍論卷第二終

